



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellus Sodalitatis: Hoc Est: Christianarum Institutionum
Libri quinque**

Coster, Franciscus

Antverpiæ, 1587

Professio Fidei Orthodoxæ Ivxta Decretvm Concilii Tridentini edita.

[urn:nbn:de:hbz:466:1-46553](#)

PROFESSIONE FIDEI

ORTHODOXÆ IVXTA

DECRETVM CONCILII

Tridentini edita.

Ego N. firma fide credo & profiteor omnia & singula, quæ continentur in Symbolo fidei, quo sancta Romana Ecclesia vtitur, videlicet: C R E D O in unum Deum Patrem omnipotentem, factorem cœli & terræ, visibilium omnium, & invisibilium: & in unum Dominum Iesum Christum, Filium Dei unigenitum, & ex Patre natum ante omnia sæcula; Deum de Deo, lumen de lumine; Deum verum de Deo vero; genitum, non factum, consubstantialem Patris, per quæ omnia facta sunt: qui propter nos homines, & propter nostram salutem descendit de cœlis, & incarnatus est de Spiritu sancto ex Maria virgine, & homo factus est; crucifixus etiâ pro nobis sub Pontio Pilato, passus & sepultus est; & resurrexit tertia die secundum Scripturas; & ascendit in cœlum, sedet ad dextram Patris; & iterum venturus est cum gloria iudicare viuos & mortuos, cuius regni nō erit finis; & in Spiritum sanctum Dominum & vivificantem,

ficantem, qui ex Patre, & Filiōque procedit, qui
cum Patre & Filio simul adoratur, & congo-
rificatur, qui locutus est per Prophetās: & vñā
sanctam Catholicam, & Apostolicam Eccle-
siām. Confiteor vnum Baptisma in remissio-
nem peccatorum: & expecto resurrectionem
mortuorum, & vitam venturi sāculi, Amen.
Apostolicas & Ecclesiasticas traditiones, reli-
quāsque eiusdem Ecclesiæ obseruationes &
constitutiones firmissimè admitto, & ample-
ctor. Item sacram Scripturam iuxta eum sen-
sum, quem tenuit & tenet sancta mater Ec-
clesia, cuius est iudicare de vero sensu, & in-
terpretatione sacrarum Scripturarum, admit-
to, nec eam vñquam nisi iuxta vnanimem
consensum Patrum, accipiam & interpreta-
bor. Profiteor quoque se ptem esse verè & pro-
priè Sacra menta nouæ legis, à Iesu Christo,
Domino nostro, instituta, atque ad salutē hu-
mani generis, licet non omnia singulis ne-
cessaria, scilicet Baptismum, Confirmationem,
Eucharistiam, Pœnitētiām, Extremam
Vnctionem, Ordinem, & Matrimonium: il-
lāque gratiam conferre, & ex his Baptismum,
Confirmationem, & Ordinem, sine sacrile-
gio reiterari non posse. Receptos quoque &
approbatos Ecclesiæ Catholicæ ritus, in su-
predictorum omnium sacramentorum solle-
mni administratione recipio, & admitto.

Omnia

Omnia & singula, quæ de Peccato originali,
& de Iustificatione in Sacrosancta Tridentina Synodo definita & declarata fuerunt, amplector, & recipio. Profiteor pariter in Missa offerri Deo verum, proprium, & propiciatoriū sacrificium, pro viuis & defunctis, atq; in sanctissimo Eucharistiae sacramento esse verè, realiter, & substantialiter corpus, & sanguinem, vna cum anima, & diuinitate Domini nostri Iesu Christi, fierique conversionem totius substantiæ panis in corpus, & totius substantiæ vini, in sanguinem: quam cōversationem Catholica Ecclesia Transubstantiationem appellat. Fateor etiam sub altera tantum specie, totum atque integrum Christum, verūmque Sacramentum sumi. Constanter teneo Purgatorium esse, Animásque ibi detentas fideliū suffragiis iuuari. Similiter & Santos vna cum Christo regnantes, venerandos atque inuocandos esse, eosque orationes Deo pro nobis offerre, atque eorum reliquias esse venerandas. Firmissimè aifero, imagines Christi, ac Deiparae semper virginis, nec non aliorum Sanctorum habendas & retinendas esse, atque eis debitum honorem ac venerationem impertiendam. Indulgentiarum etiam potestatem, à Christo in Ecclesia relictam fuisse; illarūmq; usum Christiano populo maximè salutarem esse, affirmo. Sanctam Catholicam
& Apo-

& Apostolicam Romanam Ecclesiam, omnium Ecclesiarū matrem & magistrā agnōsco, Romanōque Pontifici, beati Petri, Apostolorum principis, successori, ac Iesu Christi Vicārio veram obedientiam spondeo ac iuro. Cetera item omnia à sacris canonibus & cœcumenicis Conciliis, ac præcipue à sacrosancta Tridentina Synodo tradita, definita, & declarata, indubitanter recipio atque profiteor, simulque contraria omnia, atque hæreses quascunque ab Ecclesia damnatas, & reiectas, & anathematizatas, ego pariter damno, ejcio & anathematizo. Hanc veram Catholicam fidem, extra quam nemo saluus esse potest, quam in præsenti, sponte profiteor, & veraciter teneo, eandem integrā & inuiolatam, usque ad extreūmū vitæ spiritum, constantissimè (Deo adiuuante) retinere & confiteri, atque à meis subditis, vel illis, quorum cura ad me in munere nō spectabit, teneri, doceri & prædicari, quantum in me erit, curaturum, ego idem N. spondeo, voveo, ac iuro. Sic me Deus adiuuet, & hæc Sancta Dei Euangelia.

P I A-